

Na osnovu člana 4.2. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 5/05), na sjednici Državne regulatorne komisije za električnu energiju, održanoj 26. maja 2026. godine, donijeta je

ODLUKA

O ODOBRAVANJU PRIVREMENOG PRISTUPANJA MULTILATERALNOM SPORAZUMU O SARADNJI U UPRAVLJANJU MREŽOM

I

Ovom Odlukom odobrava se privremeno pristupanje Nezavisnog operatora sistema u Bosni i Hercegovini (u daljnjem tekstu: NOS BiH) Multilateralnom sporazumu o saradnji u upravljanju mrežom (engl. *Multilateral Agreement on SMM Grid Control Cooperation*) (u daljnjem tekstu: Sporazum), koji su u novembru 2021. godine potpisali operatori prijenosnog sistema Srbije, Crne Gore i Sjeverne Makedonije, i to u trajanju od šest mjeseci od dana pristupanja.

II

Odobranje privremenog pristupanja Sporazumu Državna regulatorna komisija za električnu energiju (u daljnjem tekstu: DERK) daje isključivo s tehničkog aspekta, iz domena rada DERK-a.

III

Tokom trajanja perioda iz tačke I ove Odluke, NOS BiH je dužan jednom mjesečno DERK-u dostavljati informacije o njegovoj primjeni, uključujući energetske i finansijske efekte, uz poseban osvrt na kvalitet rada regulacijskog područja frekvencije i snage razmjene Bosne i Hercegovine u okviru regulacijskog bloka Slovenije, Hrvatske i Bosne i Hercegovine.

IV

NOS BiH je dužan nastaviti provoditi aktivnosti za pristup Evropskoj platformi za proces razmjene odstupanja (engl. *International Grid Control Cooperation – IGCC*), te o tome kvartalno obavještavati DERK.

V

Sporazum iz tačke I ove Odluke, povodom kojeg je NOS BiH svojim aktima broj 04-264-1/26 od 5. februara 2026. godine i broj 04-264-3/26 od 4. maja 2026. godine zatražio odobranje privremenog pristupanja, objavit će se u osnovnom tekstu s priložima 1, 2 i 3, te svim naknadno zaključenim amandmanima, na način određen internim aktima NOS-a BiH.

VI

Ova Odluka stupa na snagu danom donošenja i objavit će se u “Službenom glasniku BiH” i službenim glasilima entiteta.

Broj: 04-28-8-66-4/26
26. maja 2026. godine
Tuzla

Predsjedavajući Komisije
Suad Zeljković